

萬
盒
類
稿

1500

萬

全

集

卷

之

一

上

蒿齋類稿卷三

詩一

金壇馮煦

暮出桃源北郭經故河上感賦

乙丑

自來黃壘中南望

盤盤郭門路敗柳寒煙籠十步
雜川隰禾黍平沙中徘徊
廢隄上黃河徑其東滄海迴以深
乃與桑田同馬陵日西
指絕壑森喬松北望芒碭山
劍氣成長虹一歌未及闕獵
獵生悲風

落日下平楚秋草何葳蕤所思在天末
望望減容輝涼風自西來孤雲杳難追
野老不相識無言倚荆扉百年在庭
戶何知合與離飢來拾橡栗其實下
垂垂寒暑一布衣行歌憺忘歸

少小逢家乏播越江淮閒緇塵涅素衣白日凋朱顏去年
泛蓬萊天風吹舟還吞聲望南服涕泗何漣漣敝廬息不
得百里窮躋攀耳目曠無慕雲物爲荒寒何時從巢許負
耒耕南山
夜雨懷仲兄

夜雨滴空階清如石泉瀉淒風從天來蕭蕭震屋瓦沈陰
暗虛室紙窗一鐙炮鈴鐸聲不平悲鳴斷檐下百感悄焉
生我心不能寫三徑昔幽涉乳桐已盈把頽垣叢竹過廢
砌蒼蘚惹大被眠秋煙唱酬亦聊且自來黃塵中南望氣
暗啞牀頭漏未乾有淚共之灑

夜坐示蘋湘

落月下孤戍疏燈明一樓安危誰有用歡笑不勝愁詩卷

風塵外關山戰伐秋男兒好身手長嘯看吳鉤

書憤

乙丑五月作時王師潰于山東僧邸死之寇益張

羽書星急走巖壘熒惑櫓槍夜有芒

北極憂勞警宵旰東蒙戰伐失倉皇赤眉餘燼中原盜白

首孤忠異姓王相國臨邊新代將更聞妖祲逼衡湘

楚中有飢

變

白日黃沙野色昏兵戈滿眼爲招魂盡拋血淚歸諸將誰

誓心肝奉

至尊大澤龍蛇仍浩劫空山猿鶴有煩冤汾陽再起收同

紇終望昇平荅

帝閭

林泉鐘鼎兩無端今日東山出處難
命將中朝煩廟算整軍幾輩誤儒冠
坐看海宇羣烽靖歸臥江城五月寒
養士百年憂社稷更誰隻手挽狂瀾

草澤談兵首重搔深杯短劍不能豪
十年苦霧淪笳鼓千里殘陽下節旄
海內安危思柱石關中輸挽重泉刀
少年亦有封侯事起舞看天北斗高

同蘋湘晚望

依依隴上煙歷歷湖邊路日落不逢人
寒榛走秋兔

上二泉師

破帽欺霜郭外游十年湖海此淹留
嘯鳥自返終何補斷

雁將歸始覺愁少小來依嚴尹幕行藏莫上仲宣樓天南
莽莽風煙暗故國蕭條白草秋

地僻渾忘車馬喧側聞將帥滿中原明堂清議論封事在
野端憂上罪言太白高懸芒角健荒山飢走布衣尊濁醪
麤飯平生志歸去江邨日閉門

夜夜

夜夜津亭畫角吹夢迴溪壑有春姿悲風冷咽中軍鼓落
日孤懸上將旗貔虎扼衝驕士卒豺狼當道長蠻夷誅鋤
殘寇須持重莫忘驚禽駭獸時

強彥吉丈粵中書至卻寄

垂老文章戀草萊憂時眞見古人才徵兵宛洛仍鼙鼓隔

歲幽燕共酒杯十二年中幾人在六千里外一書來蠻煙瘴雨傷羈抱渺渺珠江首重回

舟行遇雨

雲陰垂四野一雨欲成秋
祠樹昏無色漁罾晚未收
空城巢鼠雀老屋入鳬鷗
賈讓今何在防河共百憂

題周春谷月夜渡海圖

庚申四月十三日冥冥苦霧迷
姑胥姑胥十室九淪喪
先生有母橫塘居風煙蒼莽斷人跡
閒關千里來于于孤城摧雲鼓聲死
白骨矗立山爲枯夜行無火天月黑
青燐的爍如明珠前有猛虎後封狐
欲前不前行次且百年汶汶有一死
畏首畏尾胡爲乎流離顛越入窮谷
精誠所至無

艱虞忽聞母在雜悲喜熒熒子影投荒墟茅屋破不蔽風
雨入門拜母驚魂蘇欲畱欲去雙趺躅扁舟一葉大於掌
義當奉母兼妻孥海上濤頭卷寒雪浪浪入耳天風俱明
月倒影入水底照見七尺青珊瑚蛟龍夜眠驚不起布帆
無恙歸江湖出生入死七十日日日呵護憑穹虛吁嗟乎
不肖煦亦人子耳生年十四成羈孤家貧母老不得養去
年挾策游

皇都子行七日母不逮反哺不如巢上鳥生非生兮死非
死六月風日迴征車齊河水決風波惡羸馬蹶蹢躅河中驅
渡河難與渡海同此中哀樂何其殊端坐披圖起三歎先
生有母我獨無吁嗟乎先生有母我獨無

寄仲兄

西風撼庭戶木葉響空林積雨寒雲色荒城落日陰十年
文字厄四海弟兄心夢裏不歸去江湖秋水深

次二泉師郊行韻

秋高暝色天蒼茫長淮東逝蛟龍藏河流作帶接遙漢酒
腸如劍森寒芒歸雲入林野悄悄落日翻壁旗央央野人
歲儉飯不足飢烏瑟縮巢空倉

寄于大紫駿柏鄉

少年意氣傲滄洲短後衣輕朔漠游末路西風哭遼海故
鄉明月望并州驚沙挾雨黃河下絕塞飛霜白雁秋今日
五陵游俠盡共誰長嘯看吳鉤

北山叢桂三千里南國滄桑十二年
杳杳旌旗銜落日淒淒臺榭入寒煙
側身西望瘡痕外乘興東歸涕淚邊
莫更無家歌一曲蒼茫雲樹換江天

風雪南天鬢早凋

謂介藩

煙邨黃葉晚蕭蕭傷離王粲愁空

賦善病相如渴未消短燭深杯淮市酒
扁舟暮雨海門潮春風又是江城別
花放天台去夢遙

九日樓上作

霜風落木正蕭騷晚歲江湖首重搔
破帽蹇驢歸最好深杯長劍醉能豪
飢憐索米東方朔寒想分衣左伯桃
莫把茱萸簪短鬢離人九日罷登高

秋莫懷人六首

少小共徵逐窮交情更親一叢退筆冢十載閉關人暮雨

相如病危時子美貧我行殊未已車下總勞薪

朱五
滋泉

湖上百歌嘯霜高落木天相逢在貧賤此別更顛連賃有

梁鴻廡耕無冀缺田窮途滿眼淚何處哭秋煙

汪三
少符

聞道無長策駕言歸敝廬衰親猶健在來日復何如宋玉

悲秋早劉蕡下第初蓬蒿三徑晚莫廣絕交書

毛十一
次米

蕭瑟江關路寒潮日夜流著書習鑿齒論事賈長頭林木

植名節風煙接素秋幾回傷往事杯酒共

皇州

韓大
伯歐

書劍三千里兵戈五六年殷憂銷歲月奇氣出幽燕故國

空殘照窮邊泣暮煙風沙秋颼颼迴立向南天

于大
子浚

零落書千卷朱干舊草堂坐驚王粲少醒識次公狂起舞
吳鉤健論文越弩強出門一長嘯天外有滄浪

朱二仲脩

夜泊淮上

水落長淮暗孤舟夜未央寒蟲咽殘月斷雁下繁霜畫角
防河遠秋衾向曉涼夢歸江上路木葉雨中黃

寄漱泉並問伯琴拂青

秋雨淮南路思君一慨慷傳經名父後縱酒少年場孤憤
劉蕡激悲歌潘岳狂爲言有窮士樓上日相望
寒夜有懷仲兄卻寄

少孤值多難耕無南山田讀書棄薄俗獨與兄周旋歲暮
共燈火堅坐寒無氊冷月照庭戶梧竹生蒼煙浮雲無重

返冉冉東海邊弟今走溪壑形影誰相憐天寒布被薄
皇不得眠起視河上水東流日涓涓

孤煙上墟墓楸檟何脩脩北風日夕動溝水東西流百年
一夢覺冰雪封荒邱遠游缺守視四序倏已周艱難忝所
生百體叢煩憂江湖久羈泊歲晚苦不休兄歸鞠茂草惻
惻樵蘇謀野鳥有餘哀白晝聲啾啾

鬼雨天月黑一犬嘯寒皋野塘盛蒲葦槭槭霜風號無家
歸不得薄影依蓬蒿浮生百可歎枯菀吹霜毛兄獨守窮
谷閉戶無煩囂煙火望廬歸獨酌忘鬱陶醉起視雲族孤
雁天南翔念弟在遠方中夜憂心忉

同鳳笙蘋湘晚步隄上兼過野寺

鬱鬱郭門路霜風寒不勝荒祠晴有雪疲馬靜於僧樓櫓
增新戍河流擁斷冰蕭蕭蘆荻外日落有漁鐙

感遇上心巢師

丙寅

春風從東來百草萋已綠菲菲蘭蕙姿捐棄在空谷豈無
蕭與艾采之動盈匊芳馨遠莫致何以媚幽歎

梧桐大道旁憔悴無顏色託根雖失所柯條自孤直薄俗
競華滋良材棄不惜遲莫非所悲獨苦鄰荆棘鳴鳳在天
半願下凌風翼

長安有游俠嶽嶽輕王侯甲第高入雲冠帶自相誚出門
盛意氣名馬金絡頭遊戲登九原白楊何修修富貴如昨
日去者不可畱誰能悟大化洪厓與浮邱

喬松高百尺下有隱君子君子翔靈和榮鬱端所履陽春
召萬物芳華一何綺獨抱冰霜質難爲桃與李桃李豈無
華過時不復采凜凜歲寒節百年終不改

寄次米

時艱何處著清才淮北淮南並可哀斫地悲歌殷涕淚看
天起舞重裋裊空聞雪外冥鴻在忍更風前舊燕來末路
文章誰有用相逢孤抱一爲開

無端細雨落簷花南雁燈前歲序加萬里風煙尙多事十
年雲物各無家野漚拍拍孤煙重枯樹垂垂老屋斜正憶
往時河上戍半輪山月起清笳

蕭瑟江關詞賦工驚沙獵獵走悲風林亭載酒餘寒外藥

裏棲煙暮雨中罷戍孤城無戰伐閉門一第尙飢窮幾回
短夢扁舟繫淮水悲流日夜東

送還之先生歸建康

來日悲歧路相逢一惘然傳經猶有子中酒獨能賢瑟瑟
戍樓月蒼蒼墟里煙早時談笑地孤憤對南天

殘寇颭如雨朔風河上寒孤城聞戰伐良會有悲歡奔走
文章賤嘯歌天地寬兵戈猶在眼脈脈別應難

故國杳無際重來百感并樓臺換雲物鼓角亂江聲草木
春何處豺狼路未平暮年盛辭賦蕭瑟庾蘭成

淮海同羈泊胡爲公獸歸孤舟橫野渡落日上海磯歲月
關河迫風塵故舊稀南來有遺老且復忍長飢